

Pauktuutikkut Tapiriikkullu Piliriqatigiittut Aaqqissuiniq Inunnut Qanuqtuurutissanit Parnautinit Atuliqittigitissanit MMIWG Naammattuligutauqullugit Maligaqtigut Qinuujutigisimajanginnik

December 14, 2020 – Ottawa, Ontario

Pauktuutit Inuit Arnait Kanatami ammalu Inuit Tapiriit Kanatami nalunairsiviusimavut iqqanaiaanguvalliimmataguq Kanataup Gavamakkunginni katujjillutik–aaqqissuivallianinginnik Kanatami Qanuqtuurutissanit Parnautinit atuliqittinirmut Naammattuligutauqujaujunut Maligaqtigut *Pijariirutinginni Unikkaanginniittunit Kanatami Qaujisarutausimajumi pijjutigillugit Jagasimajut Inuaqtauqattarsimajullu Nunaqaqtutuqait Arnait Niviarsiallu (MMIWG)*.

Katujjiluta, marruuk timiqutivut issivautauqatigiimmatik inunnit Pijariakillittijinit kattungairutiqarsimallutik pijittirautiqarnirarnirmik naammajunit ammalu pinasuarutallarittunit Inunnut Qanuqtuurutissanit Parnautinit gavamatuqakkunnet titiraqtausimalaaqtunit qanigijangani upirngaaq 2021. Taakkua Inunnut–turaangajut tukimuagutissait aaqqigutaulaaqtut Inunnut turaangajunit Titirarsimajunit Kanatami Qanuqtuurutissanit Parnautinit iluunnanginnuungajunit.

Ilagijaujut Inunnit Pijariakillittijinit ilaqaurngata atausigutunit kiggatuqtunit atunit taakkunangit 10nit ajjigiinngitugutunit timiujuniinngaarsimajunit:

- Pauktuutit
- Inuit Tapiriit Kanatami
- Inuvialuit Kuapuriisan
- Nunavut Tunngavik Timingat
- Makivik Kuapuriisan
- Nunatsiavut Gavamakkungit
- Ilagiinut Annaumajullu Katujjiqatigiit
- Nunalinnit Inugiannirsanit Inuit/Tunngasuvvingat Inuit
- Anaanauqatigiit Tumingit Avittursimaniujunit Inuit Arnait Katujjiqatigiingit
- Saturviit Inuit Arnait Katujjiqatigiingit Nunavimmi

Tracy Sarazin Tapiriikkunnet ammalu Mary Sillet kiggaqtuilluni Pauktuutikkunnet katujjiuunnik–issivautarijaak. Kiggatuqtiit Pauktuutikkunnet Tapiriikkunillu katimajuqataummijut Pijariakillittijilluatanginnit, taakkua pilirijut pijittirautiqarnirmik Kanatami Qanuqtuurutissanit Parnautinit.

Katujjilutik, Inuit kiggatuqtiit pilirijut qaujimmattiarasuttutik Inuit Arnait niviarsiallu ajjigiimik piusiqarviuqattaqullugit attananngittumik, aanniaqtulirinirmik, ilinniarnilirinirmik, maligalirinimillu akarrijaarutavattunit Kanatamiulimaanut, ammalu timikkut, ippinnianikkut, kiinaujaliurasuarutikkut, inuusikkut iliqqusikkullu attananngittumiinnirmik amisunut Kanatamiunut qujagiliujjausimavattunut.

Inunnut Qanuqtuurutissait Parnautiit kamagijaqarniaqtut tamakkuninga naammanginnuijunut aaqqisimallattaarniaqtunit, naammanaarsimajunit ammalu qanuqtuurutissanit pilirijjusivattunit asijjiigutauniaqtunit taimaak Inuit arnait niviarsiallu -- ammaluttauq marruiliqqangajuunnik–anirnilit, arnauqatinginnik aippaqsuut, arnauqtitausimajut angutiminiit, arnauqatinginnuungajunut, naluqqtijunut, tammautausimasugijunut qanuittuujariaqaqtuginirmik ammalu aippaqsarsinnariatunnginirmik inuusilinnut -- naammattumik piusiqarviuttiaqattaqullugit.

Tukisigiakkannirumaguvit, tukisigiarviulit:

Pauktuutit Inuit Arnait Kanatami
Susan King: sking@Pauktuutit.ca; 613.724.1518

Inuit Tapiriit Kanatami
Patricia D’Souza: dsouza@itk.ca; 613-292-4482